

შავი ზღვის საერთაშორისო უნივერსიტეტის  
სასწავლო პროცესის მარეგულირებელი

წესი

## შინაარსი

<b>თავი I. ზოგადი დებულებები</b> .....	<b>1</b>
მუხლი 1. საგანი და მოქმედების სფერო .....	1
მუხლი 2. ტერმინთა განმარტებები .....	1
<b>თავი II. სტუდენტის სტატუსი</b> .....	<b>4</b>
მუხლი 3. სტუდენტის ცნება .....	4
მუხლი 4. სტუდენტის სტატუსის მოპოვება .....	4
მუხლი 5. სტუდენტის სტატუსის შეჩერება .....	5
მუხლი 6. სტუდენტის სტატუსის შეწყვეტა .....	5
მუხლი 7. სტუდენტის სტატუსის აღდგენა .....	6
<b>თავი III. მობილობა და განათლების აღიარება</b> .....	<b>7</b>
მუხლი 8. მობილობის უფლება.....	7
მუხლი 9. შიდა მობილობა.....	7
მუხლი 10. მობილობა.....	7
მუხლი 11. მობილობის პროცედურა.....	8
მუხლი 12. საგანმანათლებლო პროგრამის შეცვლა ან გაუქმება.....	9
მუხლი 13. გაცვლითი პროგრამა .....	9
მუხლი 14. კრედიტების აღიარება.....	10
<b>თავი IV. სტუდენტის უფლება-მოვალეობები</b> .....	<b>13</b>
მუხლი 15. სტუდენტის უფლებები .....	13
<b>თავი V. სასწავლო პროცესი და სწავლის შედეგების შეფასება</b> .....	<b>15</b>
მუხლი 16. აკადემიური კალენდარი .....	15
მუხლი 17. საგანმანათლებლო პროცესის ხანგრძლივობა .....	15
მუხლი 18. საგანმანათლებლო პროგრამები .....	16
მუხლი 19. კომპონენტის ტიპები .....	16
მუხლი 20. რეგისტრაცია.....	16
მუხლი 21. სწავლების ენა .....	17
მუხლი 22. საკრედიტო სისტემა.....	17
მუხლი 23. პრერეკვიზიტები .....	17
მუხლი 24. სხვა საგანმანათლებლო პროგრამიდან კომპონენტის აღება .....	18
მუხლი 25. კომპონენტის განმეორებით გავლა .....	18
მუხლი 26. პრაქტიკა .....	18
მუხლი 27. საბაკალავრო ნაშრომი .....	18
მუხლი 28. განმეორებითი სასწავლო კურსი .....	18
მუხლი 29. ინდივიდუალური სასწავლო გეგმა .....	19
<b>თავი VI. შეფასება</b> .....	<b>19</b>
მუხლი 30. შეფასების პრინციპები.....	19
მუხლი 31. შეფასების მეთოდი და ფორმა .....	19
მუხლი 32. სასწავლო პროცესის მონიტორინგის სამსახური .....	20
მუხლი 33. გამოცდები.....	20
მუხლი 34. შუალედური შეფასება .....	20

მუხლი 35. დასკვნითი შეფასება .....	20
მუხლი 36. აღდგენითი შუალედური გამოცდა/აღდგენითი დასკვნითი შეფასება .....	21
მუხლი 37. დამატებითი გამოცდა.....	21
მუხლი 38. სტუდენტის მიღწევების შეფასება .....	21
მუხლი 39. შეფასების შედეგების გასაჩივრება.....	22
მუხლი 40. GPA და CGPA.....	22
<b>თავი VII. აკადემიური ხარისხის მინიჭება.....</b>	<b>23</b>
მუხლი 41. აკადემიური ხარისხის/კვალიფიკაციის მინიჭება.....	23
მუხლი 42. დიპლომი და დიპლომის დანართი .....	23
<b>თავი VIII. დასკვნითი დებულებები .....</b>	<b>23</b>
მუხლი 43. დასკვნითი დებულებები .....	23
მუხლი 44. ძალაში შესვლა.....	23
მუხლი 45. შესრულებაზე ზედამხედველობა .....	24

## თავი I. ზოგადი დებულებები

### მუხლი 1. საგანი და მოქმედების სფერო

1.1. წინამდებარე დებულება არეგულირებს სტუდენტის სტატუსის მოპოვების, შეჩერებისა და შეწყვეტის, მობილობის, კრედიტების აღიარების საკითხებს, სტუდენტის უფლება-მოვალეობებს, სწავლის შედეგების შეფასებასა და სასწავლო პროცესის წარმართვასთან დაკავშირებულ სხვა საკითხებს საქართველოს კანონმდებლობისა და შავი ზღვის საერთაშორისო უნივერსიტეტის (შემდგომში – „უნივერსიტეტი“) დებულებების შესაბამისად.

1.2. დებულება (შემდგომში – „მარეგულირებელი წესი“) მოიცავს უნივერსიტეტის საბაკალავრო, სამაგისტრო და სადოქტორო საფეხურზე, ერთსაფეხურიან და მასწავლებლის მომზადების საგანმანათლებლო პროგრამებზე ჩარიცხულ ყველა სტუდენტთან დაკავშირებულ საკითხებს.

### მუხლი 2. ტერმინთა განმარტებები

2.1. **აკადემიური კალენდარი:** ყოველწლიურად, სასწავლო წლის დასაწყისამდე მმართველი საბჭო ამტკიცებს აკადემიურ კალენდარს, რომელიც შეიცავს ინფორმაციას მომავალი სასწავლო წლის სასწავლო პერიოდისა და არდადეგების შესახებ.

2.2. **საგანმანათლებლო პროგრამა (კურიკულუმი):** უმაღლესი განათლების კვალიფიკაციის მისაღებად აუცილებელი სასწავლო კურსების/მოდულების ერთობლიობა, რომელშიც მოცემულია პროგრამის მიზნები, სწავლის შედეგები, სასწავლო კურსები/მოდულები შესაბამისი კრედიტებით, სტუდენტთა შეფასების სისტემა და სასწავლო პროცესის ორგანიზების თავისებურებები.

2.3. **მობილობა:** უნივერსიტეტის სტუდენტების მიერ უნივერსიტეტის სხვა საგანმანათლებლო პროგრამაზე გადასვლა (შიდა მობილობა), ან სხვა უმაღლეს საგანმანათლებლო დაწესებულებაში გადასვლა (ტრანსფერი/მობილობა), სხვა უმაღლესი საგანმანათლებლო დაწესებულებიდან უნივერსიტეტში გადმოსვლა (ტრანსფერი/ მობილობა);

2.4. **აკადემიური საათი:** 50 საკონტაქტო წუთი;

2.5. **კრედიტი:** ერთეული, რომელიც გამოხატავს სტუდენტისთვის საჭირო სასწავლო დატვირთვას და რომლის მიღებაც შესაძლებელია სწავლის შედეგების მიღწევის შემდეგ;

2.6. **შუალედური გამოცდა:** შუალედური შეფასების მიღების ერთ-ერთი კომპონენტი;

2.7. **აღდგენითი შუალედური გამოცდა:** გამოცდა, რომელსაც სტუდენტი აბარებს შუალედური გამოცდის გაცდენის შემთხვევაში, შუალედური გამოცდის გაცდენის საპატიო მიზეზის დამადასტურებელი დოკუმენტისა და სასწავლო პროცესების მონიტორინგის სამსახურის მიერ დადებითი გადაწყვეტილების არსებობის პირობის დაცვით;

2.8. **დასკვნითი შეფასება:** შეფასების ერთ-ერთი ფორმა;

2.9. **დასკვნითი შეფასების აღდგენითი შეფასება:** შეფასება, რომელსაც სტუდენტი მიიღებს დასკვნითი შეფასების ნაცვლად, დასკვნითი შეფასების გაცდენის საპატიო მიზეზის დამადასტურებელი დოკუმენტისა და სასწავლო პროცესების მონიტორინგის სამსახურის მიერ დადებითი გადაწყვეტილების არსებობის პირობის დაცვით;

2.10. **დამატებითი გამოცდა:** გამოცდა, რომელიც ცვლის დასკვნითი შეფასების შედეგს;

2.11. **გაცვლითი საგანმანათლებლო პროგრამა:** საგანმანათლებლო პროგრამა, რომელიც ხორციელდება უნივერსიტეტისა და უცხო ქვეყნის კანონმდებლობის შესაბამისად აღიარებულ უმაღლეს საგანმანათლებლო დაწესებულებას შორის დადებული სტუდენტთა გაცვლის შესახებ ხელშეკრულების საფუძველზე და მიზნად ისახავს გაცვლითი საგანმან-

ნათლებლო პროგრამის მონაწილე სტუდენტის მიერ კრედიტების განსაზღვრული რაოდენობის დაგროვებას პარტნიორ უმაღლეს საგანმანათლებლო დაწესებულებაში/ უნივერსიტეტში;

**2.12. გაცვლითი საგანმანათლებლო პროგრამის მონაწილე სტუდენტი:** უნივერსიტეტის ან უცხო ქვეყნის კანონმდებლობის შესაბამისად აღიარებული უმაღლესი საგანმანათლებლო დაწესებულების სტუდენტი, რომელიც გაცვლითი საგანმანათლებლო პროგრამის ფარგლებში აგროვებს კრედიტების განსაზღვრულ რაოდენობას პარტნიორ უმაღლეს საგანმანათლებლო დაწესებულებაში/უნივერსიტეტში;

**2.13. ერთობლივი უმაღლესი საგანმანათლებლო პროგრამა:** – საგანმანათლებლო პროგრამა, რომელიც ხორციელდება საქართველოს უმაღლეს საგანმანათლებლო დაწესებულებას/ დაწესებულებებს ან/და უცხო ქვეყნის კანონმდებლობის შესაბამისად აღიარებულ უმაღლეს საგანმანათლებლო დაწესებულებას შორის, აგრეთვე საქართველოს უმაღლეს საგანმანათლებლო დაწესებულებასა და დამოუკიდებელ სამეცნიერო-კვლევით ერთეულს/ საჯარო სამართლის იურიდიულ პირთან – უნივერსიტეტთან არსებულ საჯარო სამართლის იურიდიულ პირს – სამეცნიერო-კვლევით დაწესებულებას/საჯარო სამართლის იურიდიულ პირს – სამეცნიერო-კვლევით დაწესებულებას/საჯარო სამართლის იურიდიულ პირს – სამეცნიერო-კვლევით დაწესებულებას შორის ერთობლივი უმაღლესი საგანმანათლებლო პროგრამის განხორციელების შესახებ შეთანხმების საფუძველზე და რომლის დასრულების შემდეგ უმაღლესი საგანმანათლებლო დაწესებულების წესდებით დადგენილი წესით და ერთობლივი უმაღლესი საგანმანათლებლო პროგრამის განხორციელების შესახებ შეთანხმების საფუძველზე გაიცემა უმაღლესი განათლების დამადასტურებელი დოკუმენტი/დოკუმენტები;

**2.14. ერთობლივი უმაღლესი საგანმანათლებლო პროგრამის სტუდენტი:** პირი, რომელიც ჩარიცხულია უცხო ქვეყნის კანონმდებლობის შესაბამისად აღიარებულ უმაღლეს საგანმანათლებლო დაწესებულებაში და ერთობლივი უმაღლესი საგანმანათლებლო პროგრამის ფარგლებში ასრულებს სასწავლო კომპონენტის ან/და კვლევითი კომპონენტის ნაწილს საქართველოს უმაღლეს საგანმანათლებლო დაწესებულებაში ან/და დამოუკიდებელ სამეცნიერო-კვლევით ერთეულში/საჯარო სამართლის იურიდიულ პირთან – უნივერსიტეტთან არსებულ საჯარო სამართლის იურიდიულ პირში – სამეცნიერო-კვლევით დაწესებულებაში/საჯარო სამართლის იურიდიულ პირში – სამეცნიერო-კვლევით დაწესებულებაში, და საქართველოს მოქალაქეობის მქონე ან პირადობის ნეიტრალური მოწმობის ან/და ნეიტრალური სამგზავრო დოკუმენტის მფლობელი პირი, რომელიც ჩარიცხულია უცხო ქვეყნის კანონმდებლობის შესაბამისად აღიარებულ უცხო ქვეყნის უმაღლეს საგანმანათლებლო დაწესებულებაში;

**2.15. პირველი საფეხური (ბაკალავრიატი):** საგანმანათლებლო პროგრამა, რომელიც მოიცავს არანაკლებ 240 კრედიტს/კანონმდებლობით გათვალისწინებულ შემთხვევებში – 180 კრედიტს;

**2.16. დიპლომირებული მედიკოსის ერთსაფეხურიანი საგანმანათლებლო პროგრამა,** რომელიც მოიცავს არანაკლებ 360 კრედიტს;

**2.17. მასწავლებლის მომზადების საგანმანათლებლო პროგრამა,** რომელიც მოიცავს არანაკლებ 60 კრედიტს;

**2.18. მეორე საფეხური (მაგისტრატურა):** საგანმანათლებლო პროგრამა, რომელიც მოიცავს არანაკლებ 120 კრედიტს/კანონმდებლობით გათვალისწინებულ შემთხვევებში – 60 კრედიტს;

- 2.19. **მესამე საფეხური (დოქტორანტურა):** საგანმანათლებლო პროგრამა, რომლის ხანგრძლივობაა არანაკლებ 3 წელი და მისი სასწავლო კომპონენტი მოიცავს არაუმეტეს 60 კრედიტს;
- 2.20. **განმეორებითი სასწავლო კურსი:** სასწავლო კურსი, რომელიც შეიძლება აღებულ იქნას სტუდენტის მიერ, სასწავლო კურსის ხელახლა გავლის გზით, GPA-ს გაუმჯობესების მიზნით.
- 2.21. **საკონტაქტო საათი:** საგანმანათლებლო პროგრამის კომპონენტის განმახორციელებელი პერსონალის ჩართულობით სტუდენტის სასწავლო საქმიანობისთვის განსაზღვრული დრო;
- 2.22. **დამოუკიდებელი საათი:** საგანმანათლებლო პროგრამის კომპონენტის განმახორციელებელი პერსონალის ჩართულობის გარეშე სტუდენტის სასწავლო საქმიანობის დრო;
- 2.23. **საგანმანათლებლო პროგრამის კომპონენტები:** სასწავლო კომპონენტი და სამეცნიერო-კვლევითი/კვლევითი კომპონენტი.
- 2.24. **სასწავლო კომპონენტი:** საგანმანათლებლო პროგრამის შემადგენელი ნაწილი, რომელიც წარმოდგენილია სასწავლო კურსის/საგნის, მოდულის, პრაქტიკის, შემოქმედებითი/პრაქტიკული სახის პროექტის/ნაშრომის, საბაკალავრო კვლევითი პროექტის/ნაშრომის ან სხვა კომპონენტის სახით;
- 2.25. **სამეცნიერო-კვლევითი კომპონენტი:** მაგისტრატურის და დოქტორანტურის საგანმანათლებლო პროგრამის შემადგენელი ნაწილი, რომელიც წარმოდგენილია სამაგისტრო პროექტი/ნაშრომის, დისერტაციის ან შემოქმედებითი/საშემსრულებლო ნამუშევრის ან სხვა სამეცნიერო პროექტის/ნაშრომის სახით; ხოლო ერთსაფეხურიანი დიპლომირებული მედიკოსის საგანმანათლებლო პროგრამის შემადგენელი ნაწილია საკურსო ნაშრომი.
- 2.26. **სტუდენტის სასწავლო დატვირთვა:** დრო, რომელიც საჭიროა საგანმანათლებლო პროგრამის კომპონენტებით განსაზღვრული სწავლის შედეგების მისაღწევად. სტუდენტების სასწავლო დატვირთვა მოიცავს დამოუკიდებელ და საკონტაქტო საათებს;
- 2.27. **სწავლება-სწავლის მეთოდი:** საგანმანათლებლო პროგრამის კომპონენტის განმახორციელებელი პირის მიერ სტუდენტისთვის, ცოდნის გადაცემის საშუალება, როგორცაა: ლექცია, სამუშაო ჯგუფში მუშაობა, პრაქტიკული მუშაობა, სემინარი, ელექტრონული რესურსით სწავლება, ელექტრონული სწავლება და სხვ., სწავლება-სწავლის მეთოდი შეიძლება მოიცავდეს შესაბამის აქტივობებს (დისკუსია, დებატები, დემონსტრირება, პრეზენტაცია, სემინარი და სხვ.);
- 2.28. **შეფასების კომპონენტები:** შეფასების კომპონენტებია შუალედური შეფასება (ერთჯერადი ან მრავალჯერადი) და დასკვნითი შეფასება, რომელთა ჯამი წარმოადგენს საბოლოო შეფასებას;
- 2.29. **შეფასების მეთოდი:** საგანმანათლებლო პროგრამის კომპონენტში განსაზღვრული სწავლის შედეგების მიღწევის შესაფასებლად გამოსაყენებელი საშუალება (ზეპირი/წერიითი გამოცდა/გამოკითხვა, პროექტი, პორტფოლიო, ტესტი, ესსე, დემონსტრირება, პრეზენტაცია, დისკუსია, აუდიოვიზუალური ნაწარმოების წარმოდგენა, გამოფენა, სპექტაკლში მონაწილეობა/დადგმა, საკონცერტო შესრულება, პრაქტიკული/ თეორიული დავალების შესრულება, სამუშაო ჯგუფში მუშაობა, დისკუსიაში მონაწილეობა, კაზუსის ამოხსნა, იმიტირებულ პროცესში მონაწილეობა, ობიექტურად სტრუქტურირებული კლინიკური გამოცდა (OSCE), ობიექტურად სტრუქტურირებული პრაქტიკული გამოცდა (OSPE) და სხვ.);
- 2.30. **შეფასების კრიტერიუმი:** შეფასების მეთოდის საზომი ერთეული, რითაც დგინდება სწავლის შედეგების მიღწევის დონე.

## თავი II. სტუდენტის სტატუსი

### მუხლი 3. სტუდენტის ცნება

3.1. სტუდენტი არის პირი, რომელიც „უმაღლესი განათლების შესახებ“ საქართველოს კანონით და უნივერსიტეტის წესდებით განსაზღვრული წესით ჩაირიცხა და სწავლობს უნივერსიტეტში ბაკალავრიატის, მაგისტრატურის, დიპლომირებული მედიკოსის, დოქტორანტურის საგანმანათლებლო პროგრამის გასავლელად, აგრეთვე პირი, რომელიც ჩარიცხულია უცხო ქვეყნის კანონმდებლობის შესაბამისად აღიარებულ უმაღლეს საგანმანათლებლო დაწესებულებაში და ერთობლივი უმაღლესი საგანმანათლებლო პროგრამის ფარგლებში ასრულებს სასწავლო კომპონენტის ან/და კვლევითი კომპონენტის ნაწილს უნივერსიტეტში.

### მუხლი 4. სტუდენტის სტატუსის მოპოვება

4.1. საქართველოს მოქალაქეობის მქონე პირთათვის სტუდენტის სტატუსის მოპოვება ხდება შემდეგი წესით:

4.1.1. განმცხადებელი ჩაირიცხება უნივერსიტეტის ბაკალავრიატის, დიპლომირებული მედიკოსის საგანმანათლებლო პროგრამაზე თუ მას გააჩნია სრული ზოგადი განათლების დამადასტურებელი დოკუმენტი, წარმატებით აქვს ჩაბარებული ერთიანი ეროვნული გამოცდები და მოპოვებული აქვს უნივერსიტეტში სწავლის უფლება საქართველოს კანონმდებლობის შესაბამისად.

4.1.2. განმცხადებელი ჩაირიცხება უნივერსიტეტის სამაგისტრო პროგრამაზე თუ მას გააჩნია ბაკალავრის ან ბაკალავრთან გათანაბრებული აკადემიური ხარისხის დამადასტურებელი დოკუმენტი, წარმატებით აქვს ჩაბარებული საერთო სამაგისტრო გამოცდა და უნივერსიტეტის გამოცდა/გამოცდები.

4.1.3. განმცხადებელი ჩაირიცხება უნივერსიტეტის სადოქტორო პროგრამაზე, თუ მას გააჩნია მაგისტრის ან მაგისტრთან გათანაბრებული აკადემიური ხარისხის დამადასტურებელი დოკუმენტი და წარმატებით აქვს ჩაბარებული უნივერსიტეტის გამოცდა/გამოცდები (ასეთის არსებობის შემთხვევაში) ან/და შესრულებული აქვს პროგრამის მოთხოვნები (ასეთის არსებობის შემთხვევაში).

4.1.4. განმცხადებელი, შეიძლება ჩაირიცხოს პირველი და მეორე საფეხურის საგანმანათლებლო პროგრამაზე ერთიანი ეროვნული/საერთო სამაგისტრო გამოცდების ჩაბარების გარეშე საქართველოს კანონმდებლობის შესაბამისად.

4.2. უცხო ქვეყნის მოქალაქეობის მქონე პირთათვის სტუდენტის სტატუსის მოპოვება ხდება შემდეგი წესით:

4.2.1. უმაღლესი განათლების პირველ და მეორე საფეხურზე უცხო ქვეყნის მოქალაქეები ირიცხებიან ერთიანი ეროვნული/საერთო სამაგისტრო გამოცდების ჩაბარების გარეშე საქართველოს კანონმდებლობის შესაბამისად.

4.2.2. კანონმდებლობით დადგენილი მოთხოვნების გარდა, ეროვნული/საერთო სამაგისტრო გამოცდების ჩაბარების გარეშე უმაღლესი განათლების პირველ და მეორე საფეხურზე ჩარიცხვისთვის, ასევე სადოქტორო საფეხურზე ჩარიცხვისთვის განმცხადებლები ვალდებული არიან ჩააბარონ პროგრამის სწავლების ენის დონის განმსაზღვრელი გამოცდა და საგანმანათლებლო პროგრამით გათვალისწინებული ყველა მისაღები გამოცდა. მესამე საფეხურის საგანმანათლებლო პროგრამაზე ჩარიცხვა ხორციელდება საქართველოს კანონმდებლობის შესაბამისად უცხოეთში მიღებული სამაგისტრო ან მასთან გათანაბრებული ხარისხის დამადასტურებელი დოკუმენტის საფუძველზე.

4.2.3. თუ საქართველოს განათლებისა და მეცნიერების მინისტრის ბრძანების საფუძველზე ჩარიცხული სტუდენტების ჩარიცხვის პერიოდი დაემთხვევა სემესტრის მე-5 ან შემდგომ კვირებს, მათი ჩარიცხვა მოხდება მომდევნო სემესტრიდან. განსხვავებული ვადები შეიძლება განისაზღვროს რექტორის ბრძანებით.

4.3. ერთიანი ეროვნული გამოცდების რანჟირების დოკუმენტით განსაზღვრულ პირებთან ფორმდება ხელშეკრულება და მათი ჩარიცხვის თაობაზე გამოიცემა რექტორის ერთიანი ბრძანება.

4.4. უნივერსიტეტის სამაგისტრო პროგრამაზე ჩარიცხვასთან დაკავშირებული ყველა სხვა საკითხი მოწესრიგებულია „სამაგისტრო სწავლების დებულებით“.

4.5. უნივერსიტეტის სადოქტორო პროგრამაზე ჩარიცხვასთან დაკავშირებული ყველა სხვა საკითხი მოწესრიგებულია „სადოქტორო სწავლებისა და სადისერტაციო საბჭოს დებულებით“.

4.6. ერთიანი ეროვნული/საერთო სამაგისტრო გამოცდების ჩაბარების გარეშე, ასევე სადოქტორო საფეხურზე უცხო ქვეყნის მოქალაქეების/უცხო ქვეყნის უმაღლესი საგანმანათლებლო დაწესებულებიდან საერთაშორისო მობილობის წესით ჩარიცხვასთან დაკავშირებული ყველა სხვა საკითხი მოწესრიგებულია „საერთაშორისო სტუდენტების ჩარიცხვის წესით“.

## **მუხლი 5. სტუდენტის სტატუსის შეჩერება**

5.1. სტუდენტის სტატუსის შეჩერების საფუძვლებია:

5.1.1. ორსულობა, მშობიარობა, ბავშვის მოვლა ან ჯანმრთელობის მდგომარეობის გაუარესება;

5.1.2. აკადემიური რეგისტრაციის გაუვლელიობა (გარდა გაცვლითი საგანმანათლებლო პროგრამის ფარგლებში სწავლისა);

5.1.3. ფინანსური რეგისტრაციის გაუვლელიობა;

5.1.4. აკადემიური რეგისტრაციის გაუვლელიობა;

5.1.5. უცხო ქვეყნის უმაღლეს საგანმანათლებლო დაწესებულებაში სწავლა (გარდა გაცვლითი საგანმანათლებლო პროგრამის ფარგლებში სწავლისა);

5.1.6. პირადი განცხადება (მიზეზის მითითების გარეშე);

5.1.7. ჯანმრთელობისა და უბედური შემთხვევის დაზღვევის არფლობა (თუ ასეთი დაზღვევის ფლობა მოთხოვნილია საკანონმდებლო ან კანონქვემდებარე აქტით).

5.1.8. ფინანსური დავალიანების შემთხვევაში, უნივერსიტეტი იტოვებს უფლებამოსილებას სტუდენტს შეუჩეროს სტუდენტის სტატუსი.

5.2. პირი, რომელსაც შეჩერებული აქვს სტუდენტის სტატუსი, არ განიხილება დაწესებულების სტუდენტების საერთო რაოდენობის ფარგლებში. სტუდენტთა რაოდენობის აღრიცხვის მიზნით, უნივერსიტეტი უზრუნველყოფს საგანმანათლებლო დაწესებულებების რეესტრში სტუდენტის სტატუსის შეჩერების რეგისტრაციას.

5.3. სემესტრის მიმდინარეობისას, მე-2 კვირის ჩათვლით, სტუდენტს უფლება აქვს შეიჩეროს სტატუსი, რა დროსაც მიღებული შეფასებები უქმდება.

## **მუხლი 6. სტუდენტის სტატუსის შეწყვეტა**

6.1. სტუდენტის სტატუსის შეწყვეტის საფუძვლებია:

6.1.1. აკადემიური ხარისხის მინიჭება;

6.1.2. სხვა უმაღლეს საგანმანათლებლო დაწესებულებაში გადასვლა;



- 6.1.3. უნივერსიტეტის დისციპლინური ნორმების დარღვევა, რომლებიც „სტუდენტთა დისციპლინარული პასუხისმგებლობის მარეგულირებელი წესის“ შესაბამისად ითვალისწინებს სტუდენტის სტატუსის შეწყვეტას;
- 6.1.4. ჯამში ხუთი წლის განმავლობაში სტუდენტის სტატუსის შეჩერება, გარდა კანონმდებლობით გათვალისწინებული შემთხვევებისა;
- 6.1.5. პირადი განცხადება;
- 6.1.6. გარდაცვალება;
- 6.2. სტუდენტის სტატუსის შეწყვეტის შესახებ სამართლებრივი აქტით გათვალისწინებული სამართლებრივი შედეგები დება ბრძანების გამოცემიდან თორმეტი თვის შემდეგ. დროის ამ მონაკვეთში სტუდენტის სტატუსი ითვლება შეჩერებულად და სტუდენტი უფლებამოსილია ისარგებლოს მობილობის უფლებით.
- 6.3. სტუდენტის სტატუსის შეწყვეტის შემთხვევაში, მისი ხელახლა მოპოვება დასაშვებია კანონმდებლობით დადგენილი წესით.
- 6.4. სტუდენტის სტატუსის შეწყვეტასთან დაკავშირებული სხვა საკითხები მოწესრიგებულია საქართველოს კანონმდებლობით.

## **მუხლი 7. სტუდენტის სტატუსის აღდგენა**

- 7.1. სტუდენტი უფლებამოსილია აღიდგინოს სტუდენტის სტატუსი ან ისარგებლოს მობილობის უფლებით კანონმდებლობით დადგენილი წესით.
- 7.2. სტუდენტის სტატუსის აღდგენა ხდება რექტორის ბრძანებით. სტუდენტი უფლებამოსილია სტატუსის აღდგენის თაობაზე განცხადება წარადგინოს არაუგვიანეს სემესტრის დაწყებიდან 2 კვირის განმავლობაში. აღნიშნული ვადის შემდეგ, უნივერსიტეტისთვის მიმართვის შემთხვევაში, სტუდენტის სტატუსი აღდგენა მომდევნო სემესტრიდან.
- 7.3. სემესტრის მე-2 კვირის შემდეგ სტუდენტის სტატუსის აღდგენა შესაძლებელია განსაკუთრებული გარემოებების არსებობის შემთხვევაში, რომელზეც სკოლის საბჭოს წარდგინების საფუძველზე გადაწყვეტილებას იღებს რექტორი.
- 7.4. თუ სტუდენტის სტატუსის აღდგენა მოხდა სალექციო პერიოდის დაწყების შემდეგ, უნივერსიტეტი არ არის ვალდებული სტუდენტს აუნაზღაუროს გაცდენილი ლექციები ან/და შეფასების მისაღებად განხორციელებული აქტივობები.
- 7.5. ფინანსური დავალიანების გამო სტუდენტის სტატუსის შეჩერების შემთხვევაში, სტატუსის აღდგენა მოხდება დავალიანების დაფარვისთანავე, თუ აღნიშნული განხორციელდა სტატუსის შეჩერებიდან არაუმეტეს 10 კალენდარული დღის ვადაში.
- 7.6. სტუდენტი, რომელსაც შეუჩერდა სტუდენტის სტატუსი უნივერსიტეტის ერთ-ერთ საგანმანათლებლო პროგრამაზე, რომელმაც სტატუსის შეჩერების პერიოდში ისარგებლა შიდა მობილობით უნივერსიტეტის სხვა საგანმანათლებლო პროგრამაზე, მისი სტატუსი ავტომატურად აღდგება იმ საგანმანათლებლო პროგრამაზე, რომელზეც გადავიდა შიდა მობილობით.
- 7.7. სტუდენტური სტატუსის აღდგენის პროცედურა განსაზღვრულია წინამდებარე დებულებითა და „საგანმანათლებლო მომსახურების საფასურის გადახდის წესის“ შესაბამისად.

### თავი III. მობილობა და განათლების აღიარება

#### მუხლი 8. მობილობის უფლება

8.1. სტუდენტი უფლებამოსილია ისარგებლოს შიდა მობილობით უნივერსიტეტის საგანმანათლებლო პროგრამებს შორის) და მობილობით (სხვა უმაღლეს საგანმანათლებლო დაწესებულებაში გადასვლის უფლებით) საქართველოს კანონმდებლობით დადგენილი წესის შესაბამისად.

8.2. მობილობა შესაძლებელია განხორციელდეს უმაღლესი განათლების ერთი საფეხურის ფარგლებში. ამ პუნქტის მიზნებისთვის დიპლომირებული მედიკოსის საგანმანათლებლო პროგრამა განიხილება აკადემიური უმაღლესი განათლების პირველი საფეხურის საგანმანათლებლო პროგრამად.

8.3. მობილობისა და შიდა მობილობის უფლება ერთიანი ეროვნული გამოცდებით 2020 წელს და შემდგომ ჩარიცხულ საბაკალავრო პროგრამის სტუდენტს წარმოეშობა მხოლოდ იმ საგანმანათლებლო პროგრამაზე, რომელსაც შეესაბამება მის მიერ ჩაბარებული ერთიანი ეროვნული გამოცდების ფარგლებში, საქართველოს განათლებისა და მეცნიერების მინისტრის 2011 წლის 18 თებერვლის N19/ნ ბრძანებით დამტკიცებული „ერთიანი ეროვნული გამოცდების ჩატარების დებულების“ მე-6 მუხლის მე-2 პუნქტით ან/და მე-8 პუნქტით დადგენილი საგანი/საგნები. ერთიანი ეროვნული გამოცდებით 2020 წელს და შემდგომ ჩარიცხული სტუდენტების მობილობის განხორციელების თავისებურებები განისაზღვრება საქართველოს კანონმდებლობით დადგენილი წესით.

#### მუხლი 9. შიდა მობილობა

9.1. შიდა მობილობა შესაძლებელია წელიწადში ორჯერ, აკადემიური სემესტრის დაწყებამდე.

9.2. შიდა მობილობის უფლება აქვს უნივერსიტეტის ნებისმიერ სტუდენტს, რომელიც უნივერსიტეტში სულ მცირე ერთი სემესტრის განმავლობაში სარგებლობდა სტუდენტის აქტიური სტატუსით, მათ შორის მათ, რომელთა სტატუსი შეჩერებულია შიდა მობილობის ვაკანტურ ადგილებზე რეგისტრაციის მომენტისთვის. გამონაკლის შემთხვევას წარმოადგენს რექტორის ბრძანება.

9.3. შიდა მობილობის პროცედურა განისაზღვრება საბაკალავრო საფეხურის პროგრამაზე შიდა მობილობის პროცესის აღწერის წესის შესაბამისად.

#### მუხლი 10. მობილობა

10.1. მობილობის უფლება სტუდენტს წარმოეშობა უმაღლესი განათლების შესაბამის საფეხურზე სწავლების ერთი წლის შემდეგ. სწავლების პერიოდში არ შედის ის დრო, რომლის განმავლობაშიც პირს შეჩერებული ჰქონდა სტუდენტის სტატუსი.

10.2. სტუდენტმა, რომელმაც კანონმდებლობით დადგენილი წესით მოიპოვა უნივერსიტეტში მობილობით ჩარიცხვის უფლება სსიპ-განათლების მართვის საინფორმაციო სისტემის მიერ, უნდა მიმართოს უნივერსიტეტს და წარმოადგინოს უნივერსიტეტის მიერ მოთხოვნილი დოკუმენტაცია. განცხადებას, როგორც წესი, თან ერთვის შემდეგი დოკუმენტები:

10.2.1. სტუდენტის სტატუსის მარეგულირებელი (მაგ. ჩარიცხვის/აღდგენის/სტატუსის შეჩერების/სტატუსის შეწყვეტის აქტი) დოკუმენტ(ებ)ის ასლი/ასლები;

10.2.2. შესაბამისი უნივერსიტეტის უფლებამოსილი პირის ხელმოწერითა და ბეჭდით დამოწმებული ნიშნების ფურცელი (სასწავლო კომპონენტების კრედიტების რაოდენობისა და შეფასების მითითებით);

10.2.3. პირის საიდენტიფიკაციო ბარათის (ID) ასლი;

10.2.4. სრული ზოგადი განათლების დამადასტურებელი დოკუმენტი და/ან უმაღლესი განათლების წინა საფეხურის დასრულების დამადასტურებელი დოკუმენტის ასლი;

10.2.5. ორი ფოტოსურათი (3X4), (ნაბეჭდი და ელექტრონულ მატარებელზე);

10.2.6. მამრობითი სქესის სტუდენტებისთვის: სამხედრო აღრიცხვაზე ყოფნის დამადასტურებელი დოკუმენტი;

10.2.7. მობილობის წესით სამაგისტრო და სადოქტორო საფეხურზე ჩარიცხვის შემთხვევაში, კანდიდატის მიერ „უმაღლესი განათლების შესახებ“ საქართველოს კანონით განსაზღვრულ პერიოდში არანაკლებ ხუთწლიანი პროგრამის დასრულების შედეგად მიღებული დიპლომის წარმოდგენის შემთხვევაში, კანდიდატმა ასევე უნდა წარმოადგინოს კანონმდებლობით დადგენილი წესით გაცემული აღიარების დოკუმენტი, რომლითაც დასტურდება დიპლომის შესაბამის საფეხურთან გათანაბრება.

10.3. სტუდენტმა დამატებით უნდა წარადგინოს განცხადება, რითაც ადასტურებს რომ ეთანხმება შედარების აქტში მოცემულ ინფორმაციას და გამოთქვამს სურვილს, სწავლა გააგრძელოს მკვ შავი ზღვის საერთაშორისო უნივერსიტეტში.

## **მუხლი 11. მობილობის პროცედურა**

11.1. მობილობის წესით გადმოსული სტუდენტის კრედიტების აღიარების პროცედურა განსაზღვრულია მობილობის პროცესისა და საბაკალავრო პროგრამაზე შიდა მობილობის პროცესის აღწერის წესით.

11.2. შიდა მობილობის შემთხვევაში შესაბამისი სკოლის დეკანი უფლებამოსილია დააკმაყოფილოს ან უარი განაცხადოს მობილობის მსურველი სტუდენტის განცხადების დაკმაყოფილებაზე წინასწარ განსაზღვრული კრიტერიუმების მიხედვით (სტუდენტის აკადემიური მოსწრება, გასაუბრების შედეგები. ასევე, პროგრამის სხვა მოთხოვნები, რომელიც მხედველობაში მიიღება უნივერსიტეტის საგანმანათლებლო პროგრამაზე კონკურსის არსებობის შემთხვევაში).

11.3. ქართულენოვანი საგანმანათლებლო პროგრამიდან ინგლისურენოვან საგანმანათლებლო პროგრამაზე მობილობის/შიდა მობილობის უფლებით სარგებლობისას, სტუდენტი ვალდებულია დაადასტუროს ინგლისური ენის ცოდნის შესაბამისი დონე.

შესაბამისი დონეების მიღწევის მიზნით:

ა) ბაკალავრიატის პირველ და მეორე სემესტრში ჩარიცხვის მიზნით, სტუდენტს ერთიან ეროვნულ გამოცდებზე ინგლისური ენის გამოცდაში მიღებული უნდა ჰქონდეს სულ მცირე ქულათა ის რაოდენობა, რაც განსაზღვრულია მიმღები საგანმანათლებლო პროგრამისთვის შესაბამისი სასწავლო წელს ან უნდა დაადასტუროს ინგლისური ენის ცოდნის B1 დონე;

ბ) ბაკალავრიატის მე-3-მე-6 სემესტრებში ჩარიცხულმა სტუდენტმა უნდა დაადასტუროს ინგლისური ენის ცოდნის B2 დონე;

გ) სამაგისტრო პროგრამაზე ჩარიცხულმა სტუდენტმა უნდა დაადასტუროს ინგლისური ენის ცოდნის B2 დონე;

დ) სადოქტორო პროგრამაზე ჩარიცხულმა სტუდენტმა პროგრამაზე დაშვების წინაპირობიდან გამომდინარე უნდა დაადასტუროს ინგლისური ენის ცოდნის შესაბამისი დონე, რისთვისაც სტუდენტმა უნდა წარმოადგინოს:

- ა) ინგლისური ენის საერთაშორისო სერტიფიკატი;
  - ბ) ან ჩააბაროს უნივერსიტეტის მიერ დანიშნული ინგლისური ენის გამოცდა;
  - გ) წარმოადგინოს დოკუმენტი, რომლითაც დასტურდება, რომ მან გაიარა სასწავლო კომპონენტი ინგლისურ ენაზე, რომლის სწავლის დონე შეესაბამება B1/B2/C1 დონეს. სამაგისტრო საფეხურზე გადმოსვლის შემთხვევაში, სასწავლო კომპონენტი გავლილი უნდა იყოს სამაგისტრო დონეზე, ხოლო სადოქტორო საფეხურზე გადმოსვლისას – სადოქტორო დონეზე;
  - დ) წარმოადგინოს დოკუმენტი, რომლითაც დასტურდება, რომ მას ბოლო სამი წლის განმავლობაში აქვს დამთავრებული ინგლისურენოვანი საგანმანათლებლო პროგრამა და მინიჭებული აქვს აკადემიური ხარისხი.
- 11.4. სტუდენტისთვის კრედიტების აღიარება მოხდება ამ წესის მე-14 მუხლის მიხედვით.
- 11.5. მობილობასთან დაკავშირებული ყველა სხვა საკითხი წესრიგდება საქართველოს კანონმდებლობის შესაბამისად.

**მუხლი 12. საგანმანათლებლო პროგრამის შეცვლა ან გაუქმება**

- 12.1. საგანმანათლებლო პროგრამის შეცვლის შემთხვევაში, სტუდენტებისთვის უზრუნველყოფილია სწავლის გაგრძელების შესაძლებლობა შეცვლილი პროგრამის ფარგლებში მიღებული კრედიტების გათვალისწინებით. კერძოდ:
- 12.1.1. საგანმანათლებლო პროგრამაში ცვლილებ(ებ)ის შეტანის დროს, პროგრამის ხელმძღვანელი ამზადებს დასკვნას, რომელშიც ეთითება ის დამატებული სავალდებულო კომპონენტ(ებ)ი, რომლ(ებ)ის გავლის ვალდებულებაც აქვს სტუდენტს, ცვლილებ(ებ)ის მიზანი, აგრეთვე ცვლილებ(ებ)ის ამოქმედების თარიღი/პერიოდი და შესაბამისი პირთა წრე;
  - 12.1.2. სტუდენტი ვალდებულია დამლიოს პროგრამაში დამატებული სავალდებულო კომპონენტ(ებ)ი, თუ ამ კომპონენტ(ებ)ის დამატება გამოწვეულია შესაბამისი დარგის სიახლით ან განპირობებულია იმ აუცილებლობით, რომ მიღწეული იქნეს პროგრამით განსაზღვრული სწავლის შედეგები. ასევე, სტატუსის აღდგენის შემთხვევაში სტუდენტი ვალდებულია გაიაროს ის პროგრამა, რომელიც სტატუსის აღდგენის მომენტისთვის არის მოქმედი, მასში განხორციელებული ცვლილებებით.
  - 12.1.3. სტუდენტის მიერ შეცვლილი პროგრამის ფარგლებში მიღებული კრედიტების აღიარება ხდება მე-14 მუხლით დადგენილი წესით.
- 12.2. საგანმანათლებლო პროგრამის გაუქმების შემთხვევაში, სტუდენტი უფლებამოსილია ისარგებლოს შიდა მობილობის ან მობილობის უფლებით.

**მუხლი 13. გაცვლითი პროგრამა**

- 13.1. უნივერსიტეტი ვალდებულია უცხო ქვეყნის უმაღლეს საგანმანათლებლო დაწესებულებასთან სტუდენტთა გაცვლის შესახებ ხელშეკრულების დადებამდე სსიპ – განათლების ხარისხის განვითარების ეროვნული ცენტრისგან მიიღოს წერილობითი ინფორმაცია აღნიშნული უმაღლესი საგანმანათლებლო დაწესებულების ამ ქვეყნის კანონმდებლობის შესაბამისად აღიარების შესახებ.
- 13.2. უცხო ქვეყნის კანონმდებლობის შესაბამისად აღიარებული უმაღლესი საგანმანათლებლო დაწესებულების გაცვლითი საგანმანათლებლო პროგრამის მონაწილე სტუდენტი, რომელსაც სტუდენტის სტატუსი მოპოვებული აქვს უცხო ქვეყანაში აღიარებულ უმაღლეს საგანმანათლებლო დაწესებულებაში, უნივერსიტეტში სწავლას აგრძელებს

უმაღლესი განათლების შესაბამის საფეხურზე, რექტორის მიერ გამოცემული ბრძანების საფუძველზე;

13.3. გაცვლითი საგანმანათლებლო პროგრამის ფარგლებში უნივერსიტეტიდან უცხოეთში წასული გაცვლითი საგანმანათლებლო პროგრამის მონაწილე სტუდენტისთვის სტუდენტის სტატუსის შეჩერება არ ხდება.

13.4. გაცვლითი საგანმანათლებლო პროგრამის ფარგლებში უცხო ქვეყნიდან ჩამოსული გაცვლითი საგანმანათლებლო პროგრამის მონაწილე სტუდენტი უნივერსიტეტს არ ეთვლება მისთვის დადგენილ სტუდენტთა საერთო რაოდენობაში.

13.5. უნივერსიტეტის სტუდენტს გაცვლით პროგრამაში მონაწილეობასთან დაკავშირებულ, შესაბამის პროცედურულ საკითხებზე დახმარებას უწევს სკოლა და საერთაშორისო ურთიერთობების სამსახური.

13.6. გაცვლით პროგრამის ორგანიზებისა და წარმართვის პროცედურული საკითხები განსაზღვრულია საბაკალავრო პროგრამაზე სტუდენტთა გაცვლის, შემომავალი და გამავალი პროცესების აღწერის წესების შესაბამისად.

#### **მუხლი 14. კრედიტების აღიარება**

14.1. უნივერსიტეტი აღიარებს კრედიტებს რომელიც მოპოვებულია მობილობის, გაცვლით პროგრამაში მონაწილეობის გზით, ასევე სტუდენტის სტატუსის აღდგენისას უნივერსიტეტის დებულებისა და კანონმდებლობის შესაბამისად.

14.2. სტუდენტის მიერ სხვა საგანმანათლებლო პროგრამის (სტატუსის აღდგენის შემთხვევაში იმავე/სხვა საგანმანათლებლო პროგრამა) ფარგლებში მოპოვებული კრედიტების აღიარება ხორციელდება სტუდენტის მიერ გავლილი და სასურველი (პროგრამა, რომელზეც სტუდენტმა მოიპოვა/აღიდგინა სტუდენტის სტატუსი) საგანმანათლებლო პროგრამების სასწავლო კურსების შედარების საფუძველზე (სტუდენტის მიერ გავლილი კომპონენტის სილაბუსის შინაარსის ანალიზზე დაყრდნობით).

14.3. კრედიტების აღიარების მიზნებისთვის დგინდება უნივერსიტეტის მიერ შეთავაზებული საგანმანათლებლო პროგრამასთან სტუდენტის მიერ მობილობის/ გაცვლითი პროგრამის/ სტატუსის აღდგენის ფარგლებში მიღწეული სწავლის შედეგების თავსებადობა და მიიღება გადაწყვეტილება შესაბამისი კრედიტების აღიარების შესახებ.

14.4. კრედიტების აღიარების მიზნებისთვის უნივერსიტეტის საგანმანათლებლო პროგრამის თავისებურებებიდან გამომდინარე, განისაზღვრება სტუდენტის მიერ გავლილი კომპონენტები, რომლებიც სტუდენტს უღიარდება (კომპონენტისთვის მინიჭებული კრედიტისა და მიღებული შეფასების აღნიშვნით), სემესტრი, რომელშიც სტუდენტმა უნდა გაგრძელოს სწავლა და სტუდენტის ინდივიდუალური სასწავლო გეგმა (საჭიროების შემთხვევაში).

14.5. სტუდენტის მიერ გავლილ კომპონენტებსა და იმ პროგრამის კომპონენტებს შორის, რომელზეც სტუდენტს სურს ჩარიცხვა, შესაძლებელია კონცეპტუალური თავსებადობის დამყარება მიუხედავად კომპონენტების სახელწოდებების განსხვავებისა.

14.6. დასაშვებია თავისუფალი კომპონენტების ფარგლებში იმ კრედიტების აღიარება, რომელიც არ არის გათვალისწინებული უნივერსიტეტის საგანმანათლებლო პროგრამით.

14.7. უნივერსიტეტი უფლებამოსილია აღიაროს უმაღლესი განათლების შესაბამისი საფეხურის საგანმანათლებლო პროგრამის ფარგლებში პირის მიერ მიღწეული სწავლის შედეგები უმაღლესი განათლების იმავე საფეხურის სხვა საგანმანათლებლო პროგრამის

დაძლევით შესაბამისი კვალიფიკაციის მინიჭების მიზნებისთვის. კრედიტების აღიარება ხორციელდება წინამდებარე დოკუმენტით დადგენილი წესით.

14.8. უნივერსიტეტი უფლებამოსილია, კანონმდებლობით დადგენილი წესით გაიანგარიშოს სტუდენტის დატვირთვა კრედიტებით იმ საგანმანათლებლო პროგრამის შემთხვევაში, რომელიც არ არის შესრულებული ევროპული კრედიტების ტრანსფერის სისტემის შესაბამისად.

14.9. მობილობის/შიდა მობილობის შემთხვევაში კრედიტების აღიარება სრულდება რექტორის ბრძანებით, რომელშიც მითითებულია სტუდენტისთვის აღიარებული კრედიტების ოდენობა. გაცვლითი პროგრამის შემთხვევაში კრედიტების აღიარება ხორციელდება პროგრამის ხელმძღვანელის მიერ.

14.10. კრედიტების აღიარება ხორციელდება შემდეგი წესების შესაბამისად:

14.10.1. სასწავლო კურსები, რომლებიც არ არის გათვალისწინებული უნივერსიტეტის თავსებადი საგანმანათლებლო პროგრამით, შეიძლება ჩათვლილი იქნეს როგორც თავისუფალი კომპონენტები (თუ პროგრამის სტრუქტურა ითვალისწინებს თავისუფალი კომპონენტების არსებობას).

14.10.2. კრედიტის რაოდენობის დათვლისას (გარდა თავისუფალი კრედიტებისა), აღიარება ხდება შემდეგი წესით:

14.10.3. თუ ასაღიარებელი კომპონენტის სწავლის შედეგები შესაბამისია უნივერსიტეტის თავსებადი პროგრამით განსაზღვრული კომპონენტის სწავლის შედეგებისა და კრედიტი მეტია, მაშინ კომპონენტი აღიარდება უნივერსიტეტის სასწავლო კურსის სახელწოდებით და უნივერსიტეტის შესაბამისი კრედიტის რაოდენობით;

14.10.4. თუ იმ ასაღიარებელი კომპონენტის კრედიტი უფრო მცირეა, ვიდრე უნივერსიტეტის თავსებადი კომპონენტის კრედიტი, გადაწყვეტილება მიიღება შინაარსობრივი შესაბამისობის დადგენის გზით. თუ არსებობს მისაღები თავსებადობა გავლილი კომპონენტის შინაარსსა და სწავლის შედეგებისა და უნივერსიტეტის შესაბამისი კომპონენტის შინაარსსა და სწავლის შედეგებს შორის, სასწავლო კურსი აღიარდება უნივერსიტეტის თავსებადი კომპონენტის სახელწოდებით და შესაბამისი კრედიტით. თუ არ არის მისაღები თავსებადობა გავლილი კომპონენტის შინაარსსა და სწავლის შედეგებისა და უნივერსიტეტის შესაბამისი კომპონენტის შინაარსსა და სწავლის შედეგებს შორის, კომპონენტი აღიარდება გამომშვები უმაღლესი საგანმანათლებლო დაწესებულების დასახელებითა და კრედიტი ჩაითვლება თავისუფალი კრედიტების ფარგლებში.

14.11. პროგრამით გათვალისწინებული თავისუფალი კომპონენტების ფარგლებში კრედიტების აღიარება ხორციელდება შემდეგი წესით:

14.11.1. თუ კომპონენტი არ არის გათვალისწინებული უნივერსიტეტის მოქმედი არც ერთი საგანმანათლებლო პროგრამით, აღიარება ხორციელდება იმ რაოდენობით, რა რაოდენობაც მიანიჭა გამომშვებმა უმაღლესმა საგანმანათლებლო დაწესებულებამ;

14.11.2. თუ კომპონენტი გათვალისწინებულია უნივერსიტეტის მოქმედი რომელიმე საგანმანათლებლო პროგრამით, აღიარება ხორციელდება:

ა) უნივერსიტეტის შესაბამისი საგანმანათლებლო პროგრამით გათვალისწინებული კრედიტების რაოდენობის შესაბამისად, თუ ასაღიარებელი კომპონენტის კრედიტების რაოდენობა აღემატება უნივერსიტეტის შესაბამისი საგანმანათლებლო პროგრამით გათვალისწინებული კრედიტების რაოდენობას;

ბ) აღიარება ხორციელდება იმ რაოდენობით, რა რაოდენობაც მიანიჭა გამომშვებმა უმაღლესმა საგანმანათლებლო დაწესებულებამ, თუ ასაღიარებელი კომპონენტის

კრედიტების რაოდენობა უფრო მცირეა, ვიდრე უნივერსიტეტის შესაბამისი საგანმანათლებლო პროგრამით გათვალისწინებული კრედიტების რაოდენობა.

14.12. თუ უმაღლესი საგანმანათლებლო დაწესებულება შეფასების სისტემისთვის იყენებდა საკრედიტო სისტემისაგან განსხვავებულ სისტემას, სტუდენტი ვალდებულია უნივერსიტეტის წარუდგინოს უმაღლესი საგანმანათლებლო დაწესებულების ოფიციალური დოკუმენტი, საკრედიტო სისტემასთან მისი სისტემის ეკვივალენტობის შესახებ.

14.13. თუ სტუდენტი ვერ წარმოადგენს 14.12 პუნქტში მითითებულ დოკუმენტს, მისი შეფასების საკრედიტო სისტემაში გადაყვანა მოხდება უნივერსიტეტის შესატყვისი შეფასების წესის მიხედვით:

ა) 5 ქულიანი შეფასების შემთხვევაში, გადაყვანა ხდება შემდეგი წესის გამოყენებით:

№ შეფასება	უნივერსიტეტის -ს შესატყვისი შეფასება
1 „5“ - („ფრიადი“)	„100“ - (“A”)
2 „4“ - („კარგი“)	“90“- (“B”)
3 „3“ - („დამაკმაყოფილებელი“)	“70“ - (“D”)
4 „2“ - („არადამაკმაყოფილებელი“)	“50“ - (“F”)

ბ) საკრედიტო სისტემის შესაბამისად მოცემული შეფასების (სადაც არ არის მითითებული ქულობრივი შეფასება და მოცემულია მხოლოდ “A” – “FX” შეფასება) გადაყვანა ხდება შემდეგი წესის გამოყენებით:

№ შეფასება	უნივერსიტეტის შესატყვისი შეფასება
1 “A”	“100“ - (“A”)
2 “B”	“90“- (“B”)
3 “C”	“80“ - (“C”)
4 “D”	“70“ - (“D”)
5 “E”	“60” - (“E”)
6 “F”/ “FX”	“50” - (“F”)

გ) 10 ქულიანი შეფასების გადაყვანა ხდება შემდეგი წესის გამოყენებით:

№	შეფასება	უნივერსიტეტის შესატყვისი შეფასება
1	10	A – 100
2	9	A – 91
3	8	B – 90
4	7	C – 80
5	6	D – 70
6	5	E – 60
7	4	FX – 50
8	3	F – 40
9	2	F – 30
10	1	F – 20

14.14. აშშ-ს კრედიტის უნივერსიტეტის საკრედიტო სისტემაში კონვერტირების მიზნით, მინიჭებული კრედიტი მრავლდება ორზე.

14.15. წინამდებარე დებულების 14.13 და 14.14 პუნქტებისაგან განსხვავებული შეფასების სისტემის კონვერტაცია ხდება პროგრამის ხელმძღვანელის მიერ, შიდა ხარისხის უზრუნველყოფის სამსახურთან შეთანხმებით.

14.16. უცხოეთში სწავლის პერიოდში (სამეცნიერო ნაშრომის დასრულებამდე) სადოქტორო საგანმანათლებლო პროგრამის ფარგლებში შესრულებული კვლევითი კომპონენტის აღიარება ხდება შემდეგი წესების მიხედვით:

14.16.1. თუ კვლევითი კომპონენტი შეფასებულია/ მინიჭებული აქვს კრედიტი უცხო ქვეყნის უმაღლესი საგანმანათლებლო დაწესებულების მიერ, მისი აღიარება ხდება წინამდებარე წესის 14.11 – 14.14 პუნქტებით დადგენილი წესით.

14.16.2. თუ კვლევითი კომპონენტი არ არის შეფასებული/არ აქვს მინიჭებული კრედიტი, მისი შეფასება/კრედიტის მინიჭება განხორციელდება უნივერსიტეტის თავისუფალი სადოქტორო საგანმანათლებლო პროგრამით და შესაბამისი მარეგულირებელი აქტის შესაბამისად.

14.17. კრედიტებს აღიარებასთან დაკავშირებული სხვა საკითხები რეგულირდება საქართველოს კანონმდებლობის შესაბამისად.

#### თავი IV. სტუდენტის უფლება-მოვალეობები

##### მუხლი 15. სტუდენტის უფლებები

15.1. სტუდენტი უფლებამოსილია:

15.1.1. მიიღოს საგანმანათლებლო პროგრამის აკრედიტაციის სტანდარტების მოთხოვნების შესაბამისი უმაღლესი განათლება;

15.1.2. მიიღოს მონაწილეობა სამეცნიერო კვლევებში;

15.1.3. უნივერსიტეტის დებულებებით დადგენილი წესების შესაბამისად თანაბარ პირობებში ისარგებლოს უნივერსიტეტის მატერიალურ-ტექნიკური, საბიბლიოთეკო, საინფორმაციო და სხვა საშუალებებით;

15.1.4. უფლება აქვს აირჩეს სკოლის მმართველ ორგანოში უნივერსიტეტში მოქმედი ნორმატიული აქტების შესაბამისად;

15.1.5. თავისუფლად დააფუძნოს და/ან გაწევრიანდეს სტუდენტურ ორგანიზაციაში თავისი ინტერესების შესაბამისად;

15.1.6. უნივერსიტეტის რეგულაციების შესაბამისად მიიღოს ფინანსური დახმარება, სხვა სახის შეღავათები;

15.1.7. თავისუფლად გამოხატოს თავისი აზრი და უარი თქვას იმ იდეათა გაზიარებაზე, რომლებსაც სთავაზობენ სასწავლო პროცესში;

15.1.8. სწავლების მეორე წლიდან გადავიდეს სხვა უმაღლეს საგანმანათლებლო დაწესებულებაში საქართველოს კანონმდებლობითა და მიმღები დაწესებულების წესდებით დადგენილი წესით. აკრედიტირებულ პროგრამაზე გადასვლისას გადაიტანოს სახელმწიფო სასწავლო/სამაგისტრო გრანტი, კანონმდებლობით დადგენილი წესით;

15.1.9. ერთი აქტიური სემესტრის შემდეგ ისარგებლოს შიდა მობილობის უფლებით უნივერსიტეტის ნორმატიული დოკუმენტაციით დადგენილი წესებისა და საქართველოს კანონმდებლობის შესაბამისად;

15.1.10. პერიოდულად მიიღოს მონაწილეობა აკადემიური პერსონალის საქმიანობის შეფასებაში შიდა ხარისხის უზრუნველყოფის სამსახურთან თანამშრომლობით;

15.1.11. ადმინისტრაციასთან შეთანხმებით მოახდინოს შეკრების ორგანიზება, რომელზეც დაცული იქნება საქართველოს კანონმდებლობა და უნივერსიტეტის ნორმატიული დოკუმენტაცია. სტუდენტთა შეკრება არ უნდა არღვევდეს უნივერსიტეტის წესრიგს და



საგანმანათლებლო პროცესის მსვლელობას, კანონმდებლობას, უნივერსიტეტში მოქმედ წესებს;

15.1.12. შემდეგი თანმიმდევრობით განიხილოს მისთვის საინტერესო საკითხი:

15.1.12.1. სასწავლო პროცესების მონიტორინგის მენეჯერთან;

15.1.12.2. პროგრამის ადმინისტრაციულ/აკადემიურ ხელმძღვანელთან;

15.1.12.3. სკოლის დეკანთან.

15.1.13. საგანმანათლებლო საკითხებზე წამოჭრილ პრობლემებზე წერილობით მიმართოს დეკანს, ხოლო სწავლის საფასურსა და სხვა ფინანსურ საკითხებზე – სტუდენტთა ფინანსური მომსახურების ცენტრს/სამსახურს.

15.1.14. უნივერსიტეტის სტუდენტთა დახმარება-კონსულტაციას, სტუდენტების ინტერესების, უფლებებისა და თავისუფლებების დაცვას და დარღვევის ფაქტების გამოვლენას, ასევე, დარღვეული უფლების აღდგენას, საქართველოს კანონმდებლობითა და უნივერსიტეტის შიდა ნორმატიული აქტებით დადგენილი წესის შესაბამისად ახორციელებს ომბუდსმენი;

15.1.15. მიიღოს სამართლიანი და ობიექტური შეფასება;

15.1.16. ლექტორთან ერთად, განიხილოს საგამოცდო ნამუშევარი და მიიღოს უკუკავშირი, აგრეთვე სტუდენტთა საინფორმაციო სისტემაში ნიშნების შეტანის შემდეგ, გაასაჩივროს საგამოცდო ნამუშევარი;

15.1.17. ისწავლოს და განვითარდეს ინტელექტუალურად იმ შესაძლებლობის გამოყენებით, რომელსაც მას სთავაზობს უნივერსიტეტი პირადი ზრდის, განვითარებისა და წარმატებისთვის;

15.1.18. დაეუფლოს მის მიერ არჩეულ და სავალდებულო კომპონენტებს საგანმანათლებლო პროგრამისა და უნივერსიტეტის დებულებების მოთხოვნების შესაბამისად;

15.1.19. განახორციელოს უნივერსიტეტის დებულებებით, მასთან დადებული ხელშეკრულებითა და „უმაღლესი განათლების შესახებ“ საქართველოს კანონით მისთვის მინიჭებული სხვა უფლებები;

15.2. უნივერსიტეტი ვალდებულია უზრუნველყოს სტუდენტის სამართლიანი და მიუკერძოებელი შეფასება, რისთვისაც წერგავს შესაბამის პროცედურებს;

15.3. სტუდენტის მიერ აკადემიური პერსონალის თანდასწრებით გამოთქმული პირადი ინფორმაცია, ასევე ინფორმაცია საკუთარი შეხედულებების, რწმენისა და პოლიტიკური მრწამსის შესახებ, რომელიც მისთვის ცნობილი გახდა სასწავლო პროცესის მიმდინარეობისას;

15.4. ინფორმაცია სტუდენტის მიმართ დისციპლინური ღონისძიების გატარების შესახებ კონფიდენციალურია, გარდა იმ შემთხვევისა, თუ არსებობს სტუდენტის ნებართვა, ან ადმინისტრაციის კანონიერი ინტერესი დაიცვას სხვისი უსაფრთხოება და კანონით დაცული უფლებები;

15.5. დაუშვებელია უნივერსიტეტის მატერიალური და ტექნიკური საშუალებების გამოყენება, სტუდენტის აზრის გამოხატვის თავისუფლებისა და/ან ცენზურის დაწესების მიზნით;

15.6. კურიკულუმის გარეშე აქტივობების განხორციელების მიზნით, უნივერსიტეტი ქმნის სამეცნიერო, სპორტის, კულტურული და სხვა სახის შემოქმედებით კლუბებს;

15.7. სტუდენტი ვალდებულია:

15.7.1. დაიცვას უნივერსიტეტის წესები. მათი არცოდნა არ წარმოადგენს სტუდენტის პასუხისმგებლობისაგან გათავისუფლების საფუძველს. ყველა სტუდენტი ვალდებულია გაეცნოს უნივერსიტეტი მოქმედ რეგულაციებს;

15.7.2. დაიცვას სტუდენტსა და უნივერსიტეტს შორის ორმხრივი შეთანხმებიდან გამომდინარე ვალდებულებები;

15.7.3. გაუფრთხილდეს და დაიცვას უნივერსიტეტის უძრავი და მოძრავი ქონება.

15.7.4. იმოქმედოს გარემოსდაცვითი, ეკოლოგიური, სანიტარული, სახანძრო უსაფრთხოებისა და სხვა ზოგადი წესების შესაბამისად.

15.8. უნივერსიტეტს და სტუდენტს შორის არსებული ორმხრივი ვალდებულებები განსაზღვრულია უნივერსიტეტის დებულებებით, სტუდენტთან დადებული ხელშეკრულებითა და „უმაღლესი განათლების შესახებ“ საქართველოს კანონით.

## თავი V. სასწავლო პროცესი და სწავლის შედეგების შეფასება

### მუხლი 16. აკადემიური კალენდარი

16.1. აკადემიური წელი შედგება შემოდგომის და გაზაფხულის სემესტრებისაგან და არდადეგებისაგან.

16.2. აკადემიური წელი მოიცავს მაქსიმუმ 12 თვეს უწყვეტად.

16.3. კომპონენტების ცხრილი, შემოდგომის და გაზაფხულის სემესტრებისთვის, განისაზღვრება მმართველი საბჭოს მიერ დამტკიცებული აკადემიური კალენდრის მიხედვით.

16.4. ზოგიერთი კომპონენტი შეიძლება გაიხსნას დამატებითი სემესტრი, რომლის საჭიროება და განრიგი განისაზღვრება სკოლის მიერ.

16.5. დამატებითი სემესტრის გახსნის საჭიროება შეიძლება გამომდინარეობდეს გაცვლით პროგრამაში მონაწილე სტუდენტებისა და/ან ისეთი სტუდენტების საჭიროებით, რომლებიც იმყოფებიან დამატებით სემესტრებში.

16.6. დამატებითი სემესტრის განმავლობაში, სტუდენტი უფლებამოსილია დარეგისტრირდეს არაუმეტეს 10 კრედიტის ოდენობის სასწავლო კომპონენტებზე წლიური 75 კრედიტის ლიმიტის ფარგლებში.

16.7. დამატებითი სემესტრის განმავლობაში, სასწავლო კომპონენტის ფინანსური საკითხები განისაზღვრება „საგანმანათლებლო მომსახურების საფასურის გადახდის წესით“.

### მუხლი 17. საგანმანათლებლო პროცესის ხანგრძლივობა

17.1. საგანმანათლებლო პროცესი საბაკალავრო საფეხურზე ჩვეულებრივ მოიცავს 8/6 სემესტრს, სამაგისტრო საფეხურზე 4/2 სემესტრს, სადოქტორო საფეხურზე 6 სემესტრს, დიპლომირებული მედიკოსის პროგრამაზე –12 სემესტრს.

17.2. სასწავლო პროცესის ხანგრძლივობა არის პროგრამაზე ჩარიცხვისა (მინიჭებული/აღიარებული კრედიტების რაოდენობის გათვალისწინებით) და პროგრამის დასრულებას (სასწავლო გეგმის შესაბამისად) შორის პერიოდი.

17.3. თუ სტუდენტს არ შეუძლია სასწავლო პროგრამის დასრულება შესაბამისი საფეხურისთვის განსაზღვრულ ვადებში, მას აქვს შესაძლებლობა გააგრძელოს სასწავლო პროცესი თვითდაფინანსების საფუძველზე და შეინარჩუნოს სტუდენტის აქტიური სტატუსი საბაკალავრო პროგრამაზე, დამატებით რვა სემესტრის განმავლობაში, სამაგისტრო

პროგრამაზე, დამატებით ოთხი სემესტრის და სადოქტორო პროგრამაზე, დამატებით ექვსი სემესტრის განმავლობაში, დიპლომირებული მედიკოსის პროგრამაზე – 12 სემესტრს.

17.4. სწავლის საფასური დამატებითი სემესტრისთვის წარმოადგენს შესაბამისი წლის პირველკურსელი სტუდენტის მიერ გადასახდელი სწავლის საფასურის ოდენობას, სტუდენტთან გაფორმებული ხელშეკრულებით განსაზღვრული წესით.

### **მუხლი 18. საგანმანათლებლო პროგრამები**

18.1. საგანმანათლებლო პროგრამის სტრუქტურა, სასწავლო კურსების ჩამონათვალი და კრედიტების რაოდენობა განისაზღვრება „საგანმანათლებლო პროგრამების დაგეგმვის, შემუშავების და განვითარების ინსტრუქციის“ შესაბამისად.

### **მუხლი 19. კომპონენტის ტიპები**

19.1. უნივერსიტეტში არის ორი ტიპის კომპონენტი:

19.1.1. სავალდებულო;

19.1.2. არჩევითი.

### **მუხლი 20. რეგისტრაცია**

20.1. აკადემიური კალენდრით განსაზღვრულ პერიოდში რეგისტრაციის პროცესის ადმინისტრირებას ახდენენ უნივერსიტეტის შესაბამისი სკოლები. რეგისტრაციის პროცესი მოიცავს ორ ეტაპს: პირველ ეტაპზე ხდება სტუდენტისთვის საჭირო საგნების/კომპონენტების არჩევა და ფინანსური რეგისტრაცია (უნივერსიტეტის დებულებებისა და სტუდენტთან გაფორმებული ხელშეკრულების (შეთანხმების) შესაბამისად სწავლის საფასურის დაფარვა. მეორე ეტაპზე ხდება აკადემიური რეგისტრაცია (ლექტორის, სალექციო დღის და საათის არჩევა).

20.2. კომპონენტებზე დარეგისტრირების მიზნით, რეგისტრაციის პერიოდში სტუდენტებს უჩნდებათ წვდომა მონაცემთა ბაზაზე. კომპონენტზე რეგისტრაციის პროცესი სრულდება სტუდენტის მიერ რეგისტრაციის დადასტურებით (რეგისტრაციისთვის დადგენილ ვადებში).

20.3. სალექციო პროცესის დაწყებამდე სტუდენტს შეუძლია დაამატოს, შეცვალოს ან წაშალოს არჩეული კომპონენტი წინამდებარე დებულებით განსაზღვრულ ვადაში.

20.4. არჩევითი კომპონენტის გახსნისთვის საჭიროა სულ მცირე 15 სტუდენტის დარეგისტრირება. გამონაკლისი შესაძლებელია დადგინდეს სკოლის საბჭოს გადაწყვეტილებით. სხვა შემთხვევაში სტუდენტს პროგრამის ფარგლებში შესთავაზებენ კომპონენტს პრერეკვიზიტის სისტემისა და წლიური საკრედიტო დატვირთვის მოთხოვნების გათვალისწინებით.

20.5. თუ სტუდენტი არ დარეგისტრირდება 20.1 – 20.3 პუნქტების შესაბამისად, სტუდენტის სტატუსი შეჩერდება.

20.6. სტუდენტის მიერ სემესტრში ასაღები კრედიტების საშუალო რაოდენობა არის 30.

20.7. რეგულარულ სემესტრში (საბაკალავრო საფეხურზე 4/3 წელი, დიპლომირებული მედიკოსის საგანმანათლებლო პროგრამაზე – 6 წელი, სამაგისტრო საფეხურზე – 2/1 წელი, სადოქტორო საფეხურზე – 3 წელი) სტუდენტს უფლება აქვს აიღოს 30 კრედიტზე ნაკლები, თუ აღნიშნული განპირობებულია საგანმანათლებლო პროგრამის თავისებურებებით ან/და სტუდენტის ინდივიდუალური საჭიროებებით. სტუდენტის ინდივიდუალური საჭიროება დგინდება სკოლის საბჭოს გადაწყვეტილებით.

20.8. დამატებითი სემესტრის სტუდენტი ვალდებულია, 30 კრედიტის ფარგლებში დარეგისტრირდეს ყველა იმ კომპონენტზე რომელიც იხსნება შესაბამის სემესტრში, კომპონენტებით განსაზღვრული დაშვების წინაპირობების გათვალისწინებით.

20.9. სტუდენტს უფლება აქვს აიღოს სემესტრში 30 კრედიტზე მეტი (წელიწადში არაუმეტეს 75 კრედიტი; გამონაკლისს წარმოადგენს დიპლომირებული მედიკოსის საგანმანათლებლო პროგრამა, რომლის დარგობრივი მახასიათებლით დადგენილი ხანგრძლივობის ფარგლებში 60-ს ზევით დამატებული კრედიტების საერთო რაოდენობა ჯამში არ უნდა აღემატებოდეს 15 კრედიტს, მაგრამ სემესტრში არაუმეტეს 45 კრედიტისა, თუ აღნიშნული:

20.9.1. განპირობებულია საგანმანათლებლო პროგრამის თავისებურებებით.

20.9.2. განპირობებულია სტუდენტის ინდივიდუალური პროგრამის თავისებურებით:

ა) გაცვლით პროგრამებში მონაწილეობით;

ბ) მობილობით/შიდა მობილობის წესით გადმოსვლით;

გ) კომპონენტში ჩაჭრით;

დ) სტუდენტის სურვილით სემესტრის განმავლობაში აიღოს დამატებითი კომპონენტი(ები);

ე) სკოლის საბჭოს მიერ სხვა ობიექტურ საფუძვლად მიჩნეული გარემოებით.

20.10 სტუდენტს, შესაძლებლობა აქვს საგნებზე რეგისტრაცია გააუქმოს/ სტატუსი შეიჩეროს მიმდინარე სემესტრის დაწყებიდან 2 (ორი) კვირის ვადაში.

## **მუხლი 21. სწავლების ენა**

21.1. სწავლების ენა უნივერსიტეტში არის ქართული და ინგლისური ენა.

## **მუხლი 22. საკრედიტო სისტემა**

22.1. აკადემიური პროგრამები შემუშავებულია ტრანსფერისა და დაგროვების ევროპული საკრედიტო სისტემის მოთხოვნების შესაბამისად.

22.2. სტუდენტის საშუალო წლიური დატვირთვა არის 60 კრედიტი – 1500 საათი (1 კრედიტი არის 25 საათი დიპლომირებული მედიკოსის საგანმანათლებლო პროგრამაზე 1 ECTS კრედიტი – 30 საათი. სტუდენტის საშუალო წლიური დატვირთვა არის 60 კრედიტი – 1800 საათი და მოიცავს საკონტაქტო და დამოუკიდებელი მუშაობის საათებს). სტუდენტის სემესტრული დატვირთვა არის საშუალოდ 30 კრედიტი. საგანმანათლებლო პროგრამის ან/და სტუდენტის ინდივიდუალური სასწავლო პროგრამის თავისებურებების გათვალისწინებით, დასაშვებია სტუდენტის სასწავლო წლიური დატვირთვა აღემატებოდეს 60 კრედიტს ან იყოს 60 კრედიტზე ნაკლები. დაუშვებელია სტუდენტის სასწავლო წლიური დატვირთვა აღემატებოდეს 75 (ECTS) კრედიტს.

22.3. საგანმანათლებლო პროგრამები საბაკალავრო საფეხურზე მოიცავს არანაკლებ 240/180 კრედიტს (რომელიც დგინდება შესაბამისი საგანმანათლებლო პროგრამით), დიპლომირებული მედიკოსის ერთსაფეხურიან საგანმანათლებლო პროგრამაზე არანაკლებ 360 კრედიტს, სამაგისტრო საფეხურზე არანაკლებ – 120/60 კრედიტს და სადოქტორო საფეხურზე – არაუმეტეს 60 კრედიტს სასწავლო კომპონენტს და მისი ჯამური ხანგრძლივობა არის არანაკლებ 3 წელი.

## **მუხლი 23. პრერეკვიზიტები**

23.1. სტუდენტი, რომელმაც ვერ უზრუნველყო პრერეკვიზიტური კომპონენტის გავლა, ვერ დარეგისტრირდება მომდევნო კომპონენტზე.

## **მუხლი 24. სხვა საგანმანათლებლო პროგრამიდან კომპონენტის აღება**

24.1. სავალდებულო კომპონენტზე დარეგისტრირება სტუდენტის პრიორიტეტს წარმოადგენს. ამასთან, სტუდენტი უფლებამოსილია სხვა საგანმანათლებლო პროგრამიდან აირჩიოს კომპონენტი პრერეკვიზიტების მოთხოვნების, სტუდენტთა მაქსიმალური რაოდენობის, კრედიტების ლიმიტისა და თავისუფალი კრედიტის ფარგლების გათვალისწინებით. სკოლის წარმომადგენლებმა სტუდენტს უნდა გაუწიოს შესაბამისი კონსულტაცია სხვა საგანმანათლებლო პროგრამიდან კომპონენტის არჩევასთან დაკავშირებით.

## **მუხლი 25. კომპონენტის განმეორებით გავლა**

25.1. თუ სტუდენტი ვერ გადალახავს შუალედური შეფასებისთვის დადგენილ მინიმალური კომპეტენციის ზღვარს, იგი არ არის უფლებამოსილი მიიღოს დასკვნითი შეფასება. შესაბამისად, მან თავიდან უნდა გაიაროს კომპონენტი. თუ სტუდენტის ჯამური ქულა (შუალედური შეფასებებისა და დასკვნითი შეფასების ჯამი) არის 41 ქულაზე ნაკლები, ან მან ვერ გადალახა დასკვნითი შეფასებისთვის/დამატებითი გამოცდისთვის დაწესებული მინიმალური კომპეტენციის ზღვარი ან სასწავლო კურსში მისი შეფასება დამატებით გამოცდაზე გასვლის შემდეგ არის 51 ქულაზე ნაკლები სტუდენტმა თავიდან უნდა შეისწავლოს კომპონენტი.

25.2. თუ სტუდენტმა ვერ გადალახა სავალდებულო კომპონენტის მინიმალური ზღვარი, იგი ვალდებულია თავიდან გაიაროს აღნიშნული კომპონენტი. არჩევითი კომპონენტის შემთხვევაში, სტუდენტი უფლებამოსილია მის ნაცვლად აიღოს სხვა არჩევითი კომპონენტი, თუ საგანმანათლებლო პროგრამის თავისებურებებიდან სხვა რამ არ გამომდინარეობს.

## **მუხლი 26. პრაქტიკა**

26.1. პრაქტიკა ხორციელდება შესაბამისი საგანმანათლებლო პროგრამის მოთხოვნებისა და „პრაქტიკის ინსტრუქციის“ შესაბამისად.

## **მუხლი 27. საბაკალავრო ნაშრომი**

27.1. საბაკალავრო ნაშრომის მომზადება ხორციელდება შესაბამისი საგანმანათლებლო პროგრამის მოთხოვნებისა და „საბაკალავრო ნაშრომის ინსტრუქციის“ შესაბამისად.

## **მუხლი 28. განმეორებითი სასწავლო კურსი**

28.1. GPA-ს გაუმჯობესების მიზნით, სტუდენტი უფლებამოსილია გაიუმჯობესოს მიღებული დადებითი შეფასება სასწავლო კურსის განმეორებით გავლის გზით.

28.2. აღნიშნულ სასწავლო კურსზე დარეგისტრირების მიზნით, სტუდენტს უკვე მინიჭებული უნდა ჰქონდეს კრედიტი შესაბამის სასწავლო კომპონენტში, რომლის გავლასაც აპირებს ხელმეორედ.

28.3. განმეორებითი სასწავლო კურსის აღებასთან დაკავშირებული ფინანსური ვალდებულებები განისაზღვრება დამატებითი სასწავლო კომპონენტის აღებისას წარმოშობილი ფინანსური ვალდებულებებისა და სტუდენტთან დადებული ინდივიდუალური ხელშეკრულების საფუძველზე.

28.4. განმეორებით სასწავლო კურსზე დარეგისტრირება ხორციელდება რეგისტრაციის კვირაში, სასწავლო კომპონენტზე რეგისტრაციისთვის დადგენილი წესების დაცვით.

28.5. განმეორებით სასწავლო კურსში მიღებული შეფასება ცვლის წინა სასწავლო კურსში მიღებულ შეფასებას.

## **მუხლი 29. ინდივიდუალური სასწავლო გეგმა**

29.1. ინდივიდუალური სასწავლო გეგმით უნივერსიტეტი უზრუნველყოფს სტუდენტის განსხვავებული მოთხოვნების, სპეციალური საგანმანათლებლო საჭიროებებისა და აკადემიური მომზადების გათვალისწინებით სწავლა-სწავლების, შეფასების სათანადო ფორმებისა და პირობების შეთავაზებას, ასევე სასწავლო პროცესის ადაპტირებულ გარემოში განხორციელების შესაძლებლობას და, საჭიროების შემთხვევაში, შესაბამისი ადამიანური რესურსით უზრუნველყოფას.

29.2. ინდივიდუალური სასწავლო გეგმის შემუშავების შესახებ გადაწყვეტილებას იღებს სკოლის საბჭო, სტუდენტის და/ან შესაბამისი კომპონენტის განმახორციელებელი პირის მოთხოვნის საფუძველზე.

29.3. ინდივიდუალურ სასწავლო გეგმას შეიმუშავებს პროგრამის ხელმძღვანელი, საჭიროების შემთხვევაში, შიდა ხარისხის უზრუნველყოფის სამსახურის ჩართულობით.

## **თავი VI. შეფასება**

### **მუხლი 30. შეფასების პრინციპები**

30.1. გამჭვირვალობა – ინფორმაცია შეფასების მეთოდებსა და კრიტერიუმებზე ხელმისაწვდომია ყველასათვის. სტუდენტს სემესტრის დასაწყისშივე ეცნობება როდის და რა კრიტერიუმებით შეფასდება მისი ცოდნა;

30.2. სისტემატურობა – შეფასება არ არის ერთჯერადი აქტი, ის პროცესია, რომელიც სტუდენტს გამოუმუშავებს მუდმივ მზადყოფნას გამოავლინოს საკუთარი ცოდნა და უნარი, ხოლო სასწავლო კურსის ხელმძღვანელს – განახორციელოს მონიტორინგი სტუდენტის ცოდნის შექმნისა და განვითარების პროცესზე;

30.3. სამართლიანობა – სტუდენტის ცოდნის შეფასებისადმი ერთიანი სტანდარტებით ხდება მიდგომა.

### **მუხლი 31. შეფასების მეთოდი და ფორმა**

31.1. შეფასების მაქსიმალური ქულა არის 100.

31.2. საბაკალავრო, ერთსაფეხურიან, სამაგისტრო და სადოქტორო პროგრამებზე, კრედიტის მისანიჭებლად მინიმალური ქულა არის 51. აღნიშნული ქულა შედგება შუალედური და დასკვნითი შეფასებების ქულათა ჯამისაგან. ამასთან სტუდენტს გადალახული უნდა ჰქონდეს შუალედური და დასკვნითი შეფასებებისთვის დადგენილი მინიმალური კომპეტენციის ზღვრები.

31.3. სასწავლო კომპონენტების შუალედური/დასკვნითი შეფასებების მინიმალური კომპეტენციის ზღვარი არ უნდა იყოს შესაბამისი შეფასების მაქსიმალური ქულის 20%-ზე ნაკლები. სამაგისტრო ნაშრომის და დისერტაციის შეფასების მინიმალური კომპეტენციის ზღვარია შესაბამისი შეფასების მაქსიმალური ქულის არანაკლებ 51%. ამასთან, დასკვნითი შეფასების მინიმალური კომპეტენციის ზღვრის ხვედრითი წილი არ უნდა აღემატებოდეს დასკვნითი შეფასების 60%-ს. მედიცინის უმაღლესი განათლების დარგობრივი მახასიათებლით გათვალისწინებულ შემთხვევებში, დასკვნითი შეფასების მინიმალური კომპეტენციის ზღვრის ხვედრითი წილი შესაძლებელია აღემატებოდეს დასკვნითი შეფასების 60%-ს.

31.4. თითოეული კომპონენტისთვის შეფასების კომპონენტები, მეთოდი და კრიტერიუმი ასახულია შესაბამისი სილაბუსში და ხელმისაწვდომია სტუდენტისთვის სემესტრის დასაწყისში. სილაბუსი ატვირთულია უნივერსიტეტის ელექტრონულ პორტალზე.

### **მუხლი 32. სასწავლო პროცესის მონიტორინგის სამსახური**

32.1. სასწავლო პროცესების მონიტორინგის სამსახური პასუხისმგებელია:

32.1.1. წერით გამოცდის ჩატარებასა და ორგანიზებაზე;

32.1.2. ზეპირი გამოცდის ტექნიკური ნაწილის ორგანიზებაზე (გარდა საგამოცდო კომისიის ფორმირების ნაწილისა).

32.2. სასწავლო პროცესის მონიტორინგის სამსახურის გამოცდებთან დაკავშირებული ყველა საკითხი მოწესრიგებულია „გამოცდების ჩატარების წესით“.

### **მუხლი 33. გამოცდები**

33.1. შუალედური, დასკვნითი, აღდგენითი და დამატებითი გამოცდები შესაძლებელია ჩატარდეს წერილობითი, ზეპირი ან შერეული ფორმით, ასევე ობიექტურად სტრუქტურირებული კლინიკური გამოცდის (OSCE) სახით.

33.2. წერით გამოცდას ატარებს სასწავლო პროცესის მონიტორინგის სამსახური. გამოცდის შინაარსი, სტრუქტურა და შეფასების საკითხები მოცემულია შესაბამისი კურსის სილაბუსში

33.3. ზეპირი გამოცდა შესაძლებელია ჩატარდეს ლექტორის ან კომისიის მიერ.

33.4. კომისიის ჩართულობით ზეპირი გამოცდა ტარდება შემდეგი წესით:

33.4.1. კომისია იქმნება სკოლის საბჭოს მიერ არაუმეტეს სამი წევრისაგან. კომისიაში უნდა შედიოდნენ შესაბამისი სასწავლო კურსის ლექტორი და იმავ/მომიჯნავე დარგის სპეციალისტები, რომლებიც ავტორიზებულ უმაღლეს საგანმანათლებლო დაწესებულებაში უძღვებიან სალექციო კურსებს;

33.4.2. ზეპირი გამოცდა ტარდება შესაბამისი სასწავლო კურსის განხორციელების ენაზე;

33.4.3. კომისიის წევრები სტუდენტის შეფასებას ახდენენ ინდივიდუალურად, სასწავლო კურსის სილაბუსში მოცემული შესაბამისი გამოცდის შეფასების რუბრიკის მიხედვით;

33.4.4. დასკვნითი შეფასება აისახება ნიშნების უწყისში.

33.5. ზეპირი და დიპლომირებული მედიკოსის სპეციფიკური გამოცდების შედეგების, უნივერსიტეტის ელექტრონულ პლატფორმაზე ასახვის, დაკავშირებული საკითხების გასაჩივრებისა და სასწავლო პროცესების მონიტორინგის სამსახურში შედეგების წარდგენის საკითხები მოწესრიგებულია „გამოცდების ჩატარების წესით“.

### **მუხლი 34. შუალედური შეფასება**

34.1. შუალედური შეფასების მაქსიმალური ქულა განისაზღვრება კომპონენტის სილაბუსით.

34.2. სემესტრის განმავლობაში დაშვებულია მხოლოდ ერთი შუალედური გამოცდა.

34.3. შუალედურ გამოცდებს ეთმობა სემესტრის საბაკალავრო საფეხურზე მე-8, მე-9 კვირები, ხოლო სამაგისტრო/სადოქტორო საფეხურზე – მე-8 კვირა. განსხვავებული შემთხვევები შეიძლება განისაზღვროს კონკრეტული პროგრამით, მისი სპეციფიკიდან გამომდინარე.

34.4. დასკვნითი შეფასების მიღებისთვის, სტუდენტს გადალახული უნდა ჰქონდეს შუალედური შეფასებისთვის დადგენილი მინიმალური კომპეტენციის ზღვარი.

### **მუხლი 35. დასკვნითი შეფასება**

35.1. დასკვნითი შეფასება ხორციელდება სემესტრის ბოლოს.

35.2. დასკვნითი შეფასების მაქსიმალური ქულა განისაზღვრება კომპონენტის სილაბუსით.

35.3. საბოლოო შეფასების მიზნებისთვის (კრედიტის მინიჭებისთვის) დასკვნითი შეფასების მიღება სავალდებულოა და მიღებულად ითვლება, თუ სტუდენტმა გადალახა დასკვნითი შეფასებისთვის დადგენილი მინიმალური კომპეტენციის ზღვარი.

### **მუხლი 36. აღდგენითი შუალედური გამოცდა/აღდგენითი დასკვნითი შეფასება**

36.1. შუალედური გამოცდის გაცდენის შემთხვევაში, სტუდენტი უფლებამოსილია გავიდეს აღდგენით გამოცდაზე ბაკალავრიატზე სემესტრის მე-10 კვირას, ხოლო მაგისტრატურაზე და დოქტორანტურაზე – სემესტრის მე-9 კვირას.

*შენიშვნა: აღნიშნული წესი ძალაში შევიდეს 2024 წლის 1 სექტემბრიდან.*

36.2. დასკვნითი შეფასების გაცდენის შემთხვევაში სტუდენტი უფლებამოსილია გავიდეს აღდგენით დასკვნით შეფასებაზე აკადემიური კალენდრით განსაზღვრულ პერიოდში.

36.3. სტუდენტი ვალდებულია გამოცდ(ებ)ის გაცდენის საპატიო მიზეზი დაადასტუროს, სასწავლო პროცესების მონიტორინგის სამსახურისთვის საპატიო მიზეზის დამადასტურებელი შემდეგი დოკუმენტების წარდგენის გზით:

ა) ცნობა იმის თაობაზე, რომ გადიოდა გეგმიურ/გადაუდებელ ჰოსპიტალიზაციას;

ბ) კომპონენტის გამოცდა ემთხვევა სხვა კომპონენტის გამოცდის დროს;

გ) ცნობა სავალდებულო სამხედრო სამსახურში მსახურების თაობაზე;

დ) ცნობა საქმიანი მივლინების შესახებ, რომელიც ორგანიზებულია უნივერსიტეტის ან სახელმწიფო სტრუქტურების მიერ;

ე) ოჯახის წევრის გარდაცვალების ცნობა.

36.4. გამოცდის გაცდენის საპატიო მიზეზად ასევე ჩაითვლება ისეთი გარემოება, რომლის არსებობის პირობებშიც სტუდენტის მიერ გამოცდის დაწერა ობიექტურად შეუძლებელი იყო.

36.5. წინამდებარე წესის 36.3 და 36.4 პუნქტებში აღნიშნულ საკითხთან დაკავშირებით საბოლოო გადაწყვეტილებას იღებს სასწავლო პროცესის მონიტორინგის სამსახური.

36.6. აღდგენით გამოცდას არ აქვს აღდგენითი გამოცდა.

### **მუხლი 37. დამატებითი გამოცდა**

37.1. დამატებით გამოცდაზე გავლის უფლება აქვს სტუდენტს თუ:

ა) სტუდენტის ჯამური სემესტრული ქულა (შუალედური შეფასებებისა და დასკვნითი შეფასების ჯამი) არის 41-50 ქულა;

ბ) სტუდენტის ჯამური სემესტრული ქულა (შუალედური შეფასებებისა და დასკვნითი შეფასების ჯამი) არის არანაკლებ 51 და მან ვერ გადალახა დასკვნითი შეფასებისთვის დაწესებული მინიმალური ზღვარი.

37.2. დამატებითი გამოცდა ტარდება შესაბამისი დასკვნითი (დასკვნითი/აღდგენითი) გამოცდის შედეგების გამოცხადებიდან არანაკლებ 5 დღეში, გამოცდების ჩატარების წესის შესაბამისად.

37.3. თითოეულ კომპონენტს აქვს მხოლოდ ერთი დამატებითი გამოცდა.

37.4. დამატებით გამოცდაზე მიღებული ქულა ცვლის დასკვნით შეფასებაზე მიღებულ ქულას.

37.5. დამატებითი გამოცდის მიმართ მოქმედებს 35.3 პუნქტით განსაზღვრული წესი.

### **მუხლი 38. სტუდენტის მიღწევების შეფასება**

38.1. საკრედიტო სისტემა უშვებს:



**ა) ხუთი სახის დადებით შეფასებას:**

- ა.ა) (A) ფრიადი – 91-100 ქულა.
- ა.ბ) (B) ძალიან კარგი – 81-90 ქულა.
- ა.გ) (C) კარგი – 71-80 ქულა.
- ა.დ) (D) დამაკმაყოფილებელი – 61-70 ქულა.
- ა.ე) (E) საკმარისი – 51-60 ქულა.

**ბ) ორი სახის უარყოფით შეფასებას:**

- ბ.ა) (FX) ვერ ჩააბარა – 41-50 ქულა, რაც ნიშნავს რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;
  - ბ.ბ) (F) ჩაიჭრა – 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას სასწავლო კურსი/საგანი ახლიდან აქვს შესასწავლი.
- 38.2. საბოლოო შეფასების მიღება ხდება შუალედური შეფასებებისა და დასკვნითი შეფასების დაჯამების საფუძველზე.

**მუხლი 39. შეფასების შედეგების გასაჩივრება**

39.1. სტუდენტი უფლებამოსილია შუალედური და დასკვნითი გამოცდის შეფასებები, ასევე კვლევითი კომპონენტის შეფასება შედეგის გაცნობიდან 5 (ხუთი) სამუშაო დღის ვადაში გასაჩივროს სასწავლო პროცესების მონიტორინგის სამსახურისთვის განცხადებით მიმართვის გზით.

39.2. გასაჩივრების წესი განსაზღვრულია „გამოცდების ჩატარების წესით“.

**მუხლი 40. GPA და CGPA**

40.1. კურსდამთავრებულთა დიპლომის საშუალო ქულის – CGPA-ს გამოთვლა ხდება შემდეგი წესის მიხედვით:

40.1.1. სასწავლო კურსში მიღებული მიღებული ქულა მრავლდება ამ კურსის კრედიტის რაოდენობაზე – GP (grade point).

40.1.2. სემესტრის განმავლობაში მიღებული GP-ების ჯამი იყოფა სემესტრის განმავლობაში დაგროვებული კრედიტების საერთო რაოდენობაზე – GPA (grade point average).

40.1.3. სემესტრების განმავლობაში მიღებული GP-ების ჯამი იყოფა სტუდენტის მიერ დაგროვებული კრედიტების საერთო რაოდენობაზე – CGPA (Cumulative grade point average).

40.1.4. თუ სტუდენტმა საგანი თავიდან გაიარა, CGPA-ის დათვლის მიზნებისთვის მხედველობაში მიიღება ბოლო GP.

40.1.5. კვალიფიკაციის მინიჭებამდე, სტუდენტი უფლებამოსილია მოითხოვოს საშუალო შეწონილი ქულის (GPA) კალკულაციის მიზნებისთვის, სასწავლო კურსების არ გათვალისწინება, თუ მას აქვს უფრო მეტი კრედიტი, ვიდრე საჭიროა კვალიფიკაციის მინიჭებისთვის და აღნიშნული არ იწვევს პროგრამით განსაზღვრული მოთხოვნების დარღვევას. გადაწყვეტილება მიიღება სკოლის საბჭოს მიერ, პროგრამის ხელმძღვანელის დასკვნის საფუძველზე.

40.1.6. ზემოაღნიშნული წესის შესაბამისად მიღებული ციფრის გადაყვანა ხდება CGPA 1.36-4.00 ნიშნულიან ციფრულ მაჩვენებელში მოცემული ცხრილის შესაბამისად.

## თავი VII. აკადემიური ხარისხის მინიჭება

### მუხლი 41. აკადემიური ხარისხის/კვალიფიკაციის მინიჭება

41.1. უმაღლესი განათლების შესაბამისი საფეხურის დასრულების შემდეგ, პირს ენიჭება აკადემიური ხარისხი.

41.2. საბაკალავრო, ერთსაფეხურიან და სამაგისტრო პროგრამებზე აკადემიური ხარისხის მინიჭება ხდება შესაბამისი სკოლის საბჭოს გადაწყვეტილების საფუძველზე.

41.3. სადოქტორო პროგრამაზე, აკადემიური ხარისხის მინიჭება ხდება შესაბამისი სკოლის სადისერტაციო საბჭოს გადაწყვეტილების საფუძველზე.

### მუხლი 42. დიპლომი და დიპლომის დანართი

42.1. უნივერსიტეტის დიპლომს მიიღებს სტუდენტი, რომელმაც შეასრულა საგანმანათლებლო პროგრამის ყველა მოთხოვნა.

42.2. უნივერსიტეტის მიერ მინიჭებული აკადემიური ხარისხი დასტურდება დიპლომითა და დიპლომის დანართით, რომლებიც ხელმოწერილია უნივერსიტეტის რექტორისა და შესაბამისი სკოლის დეკანის მიერ და დამოწმებულია უნივერსიტეტის ბეჭდით.

42.3. დიპლომი „წარჩინებით“ ეძლევა კურსდამთავრებულს, რომლის დამრგვალებული საშუალო ქულა არის 91 და მეტი.

*შენიშვნა: აღნიშნული წესი ამოქმედდეს 2024-2025 სასწავლო წლის და მომდევნო მიღების სტუდენტებისთვის.*

42.4. დიპლომის დაკარგვის ან გამოყენებისთვის უვარგისად გახდომის შემთხვევაში, კურსდამთავრებულის მოთხოვნის საფუძველზე გაიცემა დუბლიკატი.

42.5. კურსდამთავრებული უფლებამოსილია მიიღოს დიპლომი, მხოლოდ შემოვლის ფურცლის შევსების შემდეგ, რაც ადასტურებს რომ სტუდენტს შესრულებული აქვს ყველა ვალდებულება უნივერსიტეტის წინაშე.

42.6. საგანმანათლებლო საფეხურის დაუსრულებლობის შემთხვევაში, სტუდენტი იღებს შესაბამის ცნობას და ნიშნების ფურცელს.

42.7. სტუდენტი, რომელმაც დაასრულა საგანმანათლებლო საფეხური, დიპლომის მიღებამდე უფლებამოსილია მიიღოს შესაბამისი ცნობა.

## თავი VIII. დასკვნითი დებულებები

### მუხლი 43. დასკვნითი დებულებები

43.1. სამაგისტრო და სადოქტორო პროგრამასთან დაკავშირებული ყველა საკითხი მოწესრიგებულია „სამაგისტრო სწავლების დებულებით“ და „სადოქტორო სწავლებისა და სადისერტაციო საბჭოს დებულებით“.

43.2. საკითხი, რომელიც არ არის მოწესრიგებული წინამდებარე დებულებით, რეგულირდება, საქართველოს კანონმდებლობით, „უმაღლესი განათლების შესახებ“ საქართველოს კანონითა და შპს შავი ზღვის საერთაშორისო უნივერსიტეტის სხვა ნორმატიული დოკუმენტაციით.

43.3. წინამდებარე დებულებაში შესული ნებისმიერი სახის ცვლილება და დამატება მტკიცდება რექტორის ბრძანების საფუძველზე.

### მუხლი 44. ძალაში შესვლა

44.1. აღნიშნული დებულება ძალაში შედის რექტორის ბრძანების ძალაში შესვლისთანავე;

**მუხლი 45. შესრულებაზე ზედამხედველობა**

45.1. წინამდებარე დებულების შესრულებაზე ზედამხედველობას ახორციელებს პრორექტორი სასწავლო დარგში.